



Rabu, 08 Januari 2025
Ogen: MATIUS 2:19-23



"Baba Anak ras Nandena Mulih"



Lit rusur situasi-situasi sierbahanca kesirangen. Sirang nande ras bapa, anak-anak pe sirang ras "rumah" ingan si paling aman guna ia nggeluh. Sirang orangtua ras anak erkiteken lawes anak sekolah ntah erjabu ntah erdahin ku ingan sindauh. Kerina kesirangen e tempa-tempa sirintaken keriahen ras kearun ate. Ndauh terbelinen kearun ate e adi sirang arah kematen. Kearun ate simbelinna man kerina umat manusia. Pembunuhan anak-anak i Betlehem mahanca Jusuf ras Maria arus ngongsi ku Mesir, gelah ola kena bahaya siibahan Herodes. Gelah ola ia sirang ras Jesus si mbaru tubuh e . Malaikat Tuhan ngarak-ngarak bayi Jesus ras bapa-nandeNa. Lit saja dalam I bahan Tuhan lako nehken sura-suraNa maba keselamatan man doni enda. Kenca ndekah ia i Mesir, reh berita maka Herodes enggo mate, tapi anakna singgancihken ia seri denga kejamna ras Herodes e. Keputusan Jusuf selaku kepala keluarga, maka ibabana me Jesus ras Maria, ku deher Israel, e me i Galilea. Je me ia nggeluh seh ku tahun-tahun i ja Jesus reh belinna. Jusuf isuruh Tuhan gelah maba Jesus ras Maria mulih ku Betlehem, sabab kebiaren e lanai mesangat. Teptep keluarga harus tetap ersada i bas sada lingkungan i ja ia banci bertumbuh alu aman ras nyaman. Tuhan kap sierdahin maka kai si jadi kebiaren e lit nge kerina tampukna desken kematen Herodes. Adi Tuhan si ngatakensa labo kita sirang ras anak jabu, ibahan Tuhan ka nge dalanna lako tetap banci ersada. Amin lit megati jadi perbeben si erbahansa aru ateta, perlu inget labo kita si sada ngalakensa. Adi si dalani ras Tuhan lit serpang puluh. Perlu kal kita pang bagi si Jusuf, ngelakoken si isuruh Tuhan i bas ngalaken persoalen si mberat. Amin pe mbiar denga, tapi i bas ia nggit berkat nadingken Mesir, berkat ku Nazaret, Galilea, situhuna alu la isedarina ia nggo ndalanken sura-sura Dibata (ay.23). Kebiaren e pe nese-nese sitik adi kita ras Tuhan.I bas kita lemah ras la megegeh e adi ras Tuhan kita ngasup ndalanisa. Sura-sura Tuhan kita mulih ku ingan si aman, dame ras meriah ukur. Ingan e eme Tuhanta e jine.